

石

匱

書

石齋書卷第九

明 蜀人張 岱著

孝宗本紀

敬皇帝憲宗長子也母曰紀淑妃 憲宗王皇后無
子萬貴妃寵而妬它妃不得子淑妃一幸 上為萬
貴妃所譖遂既有娠及生周太后王皇后私育之而
不敢以聞及六歲 憲宗方知有 上即母立為皇
太子 憲宗崩以其年九月壬寅即位大赦天下以

明年為弘治元年始 憲宗升 上為皇太子時詔
至南瑞雲見孝陵如車蓋既植長仁孝恭儉聞於東
宮及是持麻裋絕酒肉日侍靈帷哀擗有加時覽記
孝經尚書家禮大明律四書有疑義即召問法吏儒
臣天下翕然望治於是放省內苑鳥獸虎豹之屬勿
飼之使自斃追奪奉牧省鄧常恩趙玉芝等故所賜
冠劍印章誦戒之降太監梁芳陳喜章興於南京閒
位其餘以左道附牧省進者悉黜十月享太廟樂設

不作上同太皇太后王太后尊謹曰聖慈仁壽立張
皇后詔天下降革成化中傳奉冗員及大慈恩等寺
法王佛斗等職御史善洪湯鶴庶吉士鄒智連章劾
大學士萬安許致仕進尊紀淑妃為皇太后上尊謹
十一月賊破揚陽縣置孝豐縣起致仕尚書王恕為
吏部尚書改馬文升為左都御史尚書耿裕為南京
兵部尚書禮部侍郎丘濬進所撰大學衍義補嘉納
之陞本部尚書以李孜省罪重及梁芳陳喜常與鄧

常恩等俱速繫錦衣獄辛巳 憲宗喪百日矣先是
上服喪二十七日禮官請步服如制入朝 上素服
如故羣臣服吉者皆趨出至是百日又如之進士潘
府請行三年喪下輔臣詳議禮部侍郎倪岳定儀注
三年不鳴鐘鼓不受朝賀朔望宮中素服舉奠錄是
上孝德感中外十二月英茂陵以紀太后祔己丑祧
懿祖皇帝祔 憲宗主太廟作奉慈殿奉祀紀太后
元年正月改尚書何喬新為刑部尚書唐冠請虜蘭

州等處分守指揮廖斌等戰敗之賜璽書閏正月始
用朔望御奉天殿百官公服朝參禮率收者死於獄
其他方士仍戍邊絕太后賀人其親屬莫知遣人入
賀求之科道官劾奏諸武弁不職 上曰將材難姑

評留其補可者二月祭先農遂耕籍封哈家衛左都
督罕慎為忠順王虜寇廣寧叅將崔勝等連敗之賜
璽書三月視學釋奠先師加幣用太牢改分獻曰分
奠賜祭酒開司業震坐講勅修 憲宗實錄南京吏

部主事儲燿薦舉遺賢丁璣張吉王純教毓元李文
祥上付吏部起用加贈前少保于謙特進光祿大
夫柱國太傅謚肅愍建祠賜額旌功五月嘉興賊陳
輔作亂命侍郎彭韶巡視浙江六月命馬文升提督
團營操練陞養病給事中賀欽為陝西叅議辭許之
八月虜數寇獨石萬全及甘肅等北虜小王子伯顏
猛可遣使來朝九月官紀太后親屬貴旺二人進贈
太后三代修其先塋之在賀者十月代王獻海青報

書返之曰朕靡敢暨於游詩不云乎示我周行叔祖
或有忠諫可時益朕十一月賊陳輔平妖僧繼曉伏
誅十二月中嚴勢要中益禁令公侯駙馬伯子孫讀
書習禮國子監

二年正月戶部尚書李敏奏畿內隙地仍當與民詔
從之遣戶部郎中江漢王宏分賑四川飢更發銀二
萬為飢民具耕種二月御史湯爾與壽州知州劉棻
松議朝政坐以妖言論死劉吉擢入鄒智名下詔獄

王恕力諍三人得末減謫官四月都察院覆奏廣東
叛賊繫獄者三百餘人又恐生變請皆決之上曰

豈無可矜疑錦衣驛人令巡撫秦紘覆審之以王恕

老免其干朝刑部尚書彭韶上鹽場圖詩分八節各

繪為圖裝冊上進使 上知貧竈之苦留覽五月河

決汴入淮後決黃陵岡入海戶部郎中周軫疏皇庄

厲民宜革官庄名目不報七月以孔鏞為田州知府

招平峒獠八月勅戶部侍郎白昂修理河道十月以

周經為禮部右侍郎大同巡撫許進勅武邑王光縱
不律寔跡謫為庶人徙太原十一月築高郵湖堤十
二月鄭陽都御史戴珊令諸府豪右自首匿流聚田
稅俱免罪以戶帖給之連山縣民告紀貴紀旺非太
后宗之命給事中珪御史祐入賀詳訪其虛寔

三年正月總督兩廣都御史秦紘調漢達官軍征瀧
水後山等巨寇平之二月戶部以鳳淮揚鄭襄南陽
鄧唐諸府水旱免其糧草麥絲之稅上曰凶歲損

上甚稱朕指急行之三月命天下州縣預脩倉積糧
視里數為差以定點涉損糶蘇州倉米四萬以濟飢
給曾子廟祀田令同姓一人上廟給田戶五濃掃戶
十免其繇四月舉懷才抱德山林之士五月祠唐韓
愈於孟七月給事中珪御史祐還言紀貴紀旺詐冒
亡驗發成遷九月命脩理邊牆三年一遣大臣閱視
閏九月授宗朱熹九世孫貞為本縣訓導十月增祀
元韓建於余闕廟撤兕罕道南海貢獅却之

四年正月戶部尚書李敏疾乞歸上曰君臣一體
卿母去使醫視卿二月封張懋為壽寧伯勅三法司
曰累天下諸司審錄重囚矜疑及辨違者吳嘗十數
百人與其實終孰若謹始其今繼今問刑之際來審
辭色加意究之四月勅司禮監太監常春同三法司
熱審勘問官有故失入等罪其不完五月于故刑部
尚書吳雲贈謚竝故翰林侍制王禕祠宦南七月增
城山賊藍英等平八月憲宗寔錄成九月皇子生

漳州賊溫文進等平十月黃河溢命有司量賑開封
懷慶二府及揚德宣武睢陽三衛被災家十二月貴
州苗賊七鬻架等殺掠都勻清平諸處土魯者速檀
阿里麻王遣使貢獻運城池人口并金印一厚賜之
五年正月命織綵粧絨毼曳撒於甘肅陝西御史張
文諫命減之二月命陝巴襲封哈家忠順王三月丁
丑名皇斗戊寅立為皇太子大赦天下命吏部訪求
太祖功臣子孫之失祿者進封張巖為壽寧侯四月

給事中王綸請絕龍船燈火之戲并撤戒壇齋醮納
之七月命脩宗岳飛祖墓之在湯陰者有司春秋祭
命三法司刑定問刑條例以輔大明律所不及以蘇
松浙江水災山東旱災勅鎮巡等官加意蠲賑十一
月令有辦米助賑者授武職官十二月壽寧侯張懋
卒使其子鶴齡襲封陞次子廷齡為都督同知遠荆
王見瀟 上與廷臣會訊之降為庶人錮西內
六年二月詔以太廟配享功臣子孫列在編氓殊失

報功之典訪得開平王常遇春玄孫復李文忠玄孫
璠鄧愈五世孫炳湯和六世孫紹宗可令世襲指揮
使各銓附祖塋衛以便其奉祀命浙江左布政劉大
夏為僉都御史督治張秋河道四月賜滁陽王後琥
冠帶奉滁陽王祀土魯番阿里麻率衆夜襲哈密虜
忠順王陝巴殺其都督阿木郎遂據哈密地勅責之
命兵部侍郎張海前府都督同知緱謙往經略五月
免兩浙鹽課六月飛蝗蔽天三日遣順天府丞畢亨

行縣督捕七月賜荆庶人見瀟自盡十月行取菴僧
領天竹來居大慈恩寺禮部尚書倪岳給事中夏昂
桀驁諫止之命煇德州修微子祠西安知府嚴永清
疏言陝西織造綵裝絨毼之苦命織未就者悉罷

七年正月巡撫山西張軫奏乞增解池鹽課以補
宗藩歲祿定之五月命太監李興平江伯陳銳協同
都御史劉大夏治張秋決河大夏發丁夫數萬於黃
陵岡南浚賈魯河一帶分殺水勢又浚孫家渡口別

開新河一道導水南行縣中牟至潁川東入於淮又
浚四府營淤河縣陳留縣至歸德州分為二流一縣
宿遷縣小河口一縣亳州渦河會於淮築長堤起河
南胙城經滑長垣東明曹單諸縣盡徐州長三百六
十里五旬事竣遣人行齋羊酒勞之九月台劉大夏
回院理事湖廣巡撫韓文奏歲歉乞蠲積年逋賦以
蘇民困遂之勅甘肅鎮巡官賑甘涼諸邊軍民之苦
虜者

八年二月占城國王奏被安南侵占乞命官往問其
罪大學士徐濟李東陽等持之不果歲四月封張廷
齡為建昌伯復設南贛都御史轄江西福建廣東湖
廣交界以預盜六月也先克力來投順都御史許道
疏請俯從其請沮塞土番烏合之勢許之七月遣封
宗儒楊時為將樂伯遣祀孔子廟庭九月北虜擁衆
入河套任牧兵部尚書奏定馬政送之十一月廿肅
巡撫許進總兵劉軍奏請帥師襲哈密克之十二月

靖虜衛天鼓鳴江西大雷電 上命羣臣修省直言
關夫戶部主事胡燿上言災變異常緣佞宦李廣楊
鵬引用劉良輔左道惑聖心所致不報

九年正月增先師文廟樂器如天子之樂甘肅巡撫
許進奏令卜六阿互與奄克寧刺仍申前約結親并
令通事張海厚齎布物撫諭實心遂之二月諭六部
都察院凡天下奏事有旨令看詳者覆奏毋過五日
看議者毋過三日岷王奏武岡知州劉遜請不法事

命錦衣往執之科道劉仲等論救悉下錦衣獻大學士徐溥等力諫即日出之六月山陰蕪山同日大雨山崩水湧漂廬舍二千餘間死者三百餘人命免被災人口徭役湮沒遺孀者給米有差七月錄克復哈密功十二月賜故禮部侍郎兼翰林院學士薛瑄祠額曰正學故伏羲伏羲忠祠額曰武勇

十年正月北虜火竊蘇花馬池入寇敗官軍於神木中官織造南京奏給為蘆葦八十引繫於兩淮戶部

尚書周經執奏不可詔勿給二月火節大敗官軍於
大同三月命儒臣纂修大明會典 上御文華殿召
徐溥劉健李東陽謝遂至 上命司禮取羣臣奏本
付溥等曰與先生輩計較溥等相與議定以次陳奏
上覽畢親批發行台前左都御史王越加太子太保
總制三邊軍務經略哈密命戶部尚書劉大夏整理
北邊糧草五月京師風霾各省地震求直言時有刑
部主事鄭岳以直言下獄戶部侍郎許進疏救得赦

八月 上御平臺召輔臣議政事命宗儒周敦頤十
三世孫襲五經博士九月南贛都御史金澤調兵勦
賊首滿天明等平之土番阿黑麻送陝巴并原奪勅
印抵甘州歸哈密祠部郎中王雲鳳乞斬佞監李廣
以預災變不報十一月下雲鳳詔徵謫知河南陝州
三邊總制王越率兵搗賀蘭山後北虜斬首百餘級
加少保甘肅巡撫周李麟搗虜巢斬首六十四級降
勅獎諭詔取太倉銀三萬兩為張燈具戶部尚書力

論止之十二月兩廣總督鄧廷瓚調兵征鬱林川雲
墟大桂諸徭獍具平之廣州知府林泮奉總督檄會
總兵征藍漢諸山洞蠻入其穴擒渠魁奏捷

十一年正月苗賊入靖州境三月皇太子出閣講學
安南國王千奔慕天朝復哈寨立陝巴遣使來謝六
月京師西門有熊入城乾清宮燬禮部亦燬城中火
災盛行下寬恤詔於中外七月兩廣總督鄧廷瓚調
兵征四會等處宿盜李景光覃傑等殲之浙江守臣

請給竹木銀鈔稅為織造費戶部尚書周經力論關
征非古且浙江大水民困乞停織造迨之八月復封
陝巴為哈密忠順王九月清軍官災勅羣臣修省台
能仁寺僧入大內慶讚大學士李東陽力諫止之內
監李廣自殺籍其家得饋送黃白米簿石以十萬計
上曰安也吾嘗幸廣第足容哉左右曰隱語也黃金
白銀上怒究問主名編修羅玘請上涵容以全
臣工之體科道指名上上曰人多無證姑已十一

月勅兵部議脩寧清宮尚書馬文升請蕝內帑免征
派併停止四川採木之擾遂之

十二年正月嚴左道禁二月給事中華杲論劾學士
程敏政試目漏洩命下舉人徐經唐寅獄并逮繫敏
政命都察院置對午門敏政致仕杲調外任經寅黜
充吏三月關里宣廟災虜寇宣府官軍敗之四月命
衢州府春秋祭宗趙抃祠大同連破虜九月重修清
寧宮兵部議調山東民夫七千餘人戶部尚書周經

奏止之十月以清寧宮成命大能仁寺灌頂國師
卜堅奉等設壇慶讚三日大學士劉健等言佛老異
教宮庭禁地胡羯妄徒累日連朝喧雜庭驚動寢
廟深為非便 上曰卿言是顧永樂朝亦有之健又
極言 上曰有舊事姑胥後十二月命宗程顯十八
代孫繼祖襲五經博士

十三年正月間刑條例成四月虜大入大同游擊王
果樂之敗績守臣上失亡數不寔命給事中許天錫

往按恤陣亡軍士及邊民被虜者令平江伯陳銳挂
靖虜將軍印侍郎許進監其軍往禦之 上御平臺
召劉健李東陽謝遷出諸章奏并諸提督逐名訪問
面裁決御書手勅付兵部行之六月虜數入大同
上曰陳銳出師兩月餘嬰城自守諸將怯懦不足仗
其召銳還別命保國公朱暉代之七月命朱燾十一
世孫鑿襲五經博士十二月給事中天錫還奏威遠
之敗偏裨將領死者五十二人軍士失亡千有餘人

戰馬兵仗稱是 上命王果等覆決如律總兵王璽
戍邊巡撫洪漢草職十二月給事中張文請俾免明
年上元鰲山烟火百官筵宴以其費悉佐軍儲從之
十四年正月陝西：安延安慶陽潼關等處地震有
聲朝城縣地震尤甚聲響如雷震倒官民房屋五千
餘間壓死男婦一百七十口自朔生望震尚未息縣
東安昌八里徧地竅眼湧水震開裂縫長一二丈或
四五丈湧出溢流如河二月命保國公恭驥備征虜

將軍印總諸路兵赴榆林禦虜右都御史史琳提督
軍務暉等至邊覘虜所在潛師河套擄其巢穴會夜
大霧虜聞砲驚遁毀其廬帳斬老弱百餘級而還擢
大理寺丞陳壽為右僉都御史巡撫延綏時火篩侵
犯劇甚邊堡失事鎮城晝閉壽兼程赴先恤陣亡官
軍隨易諸路將領與虜戰三勝之虜遂渡河北適保
定府獻白鵲詔斥遣之五月建關里孔廟七月虜圍
火篩復寇大同威遠關七月兩廣總督劉大夏遣兵

捕殺嫡土官黃理伏誅山東參政柴昇奏水旱稅租
已經奏復乞暫收原價從之九月內旨差中官王端
往武當山設像挂幡修舉齋醮命內閣撰勅并祝文
大學士劉健等奏止之十月起戶部尚書秦紘無恙
都御史總制陝西固安等處軍務改兵部尚書馮異
升為吏部尚書十一月總督兩廣劉大夏遣兵捕獲
上思州土人黃金誅之改總漕右都御史張敷華掌
南京都察院事命刑部左侍郎何鑑賑濟兗州徐邳

等處大旱

十五年正月吏部尚書馬文升左都御史戴珊等考
察官吏有被黜奏辨者營內旨覆寔文升執例不可
止之召兩廣總督劉大夏為兵部尚書提督團營江
西盜起勅御史林俊巡視兼督軍務內旨傳陞盧龍
衛指揮使胡震守通州御史劉玉乞塞偉門不報
三月開城縣為固原州開設總制府祠宗文天祥於
廬陵以趙士賞等四十餘人配享四月命秦紘以原

官總制陝西三邊軍務。疏奏修豫望石峽口墮臺三城。金佛峽海子口等處七堡。逆之祠。宋未燹於殿。如建陽祠。宋江萬里於鏡。六月詔修清寧宮。令兵部撥用軍夫萬餘人。劉大夏以工少人多。奏請減去十分之五。上納之。錄劉基九世孫瑜襲處州衛指揮使。九月大赦。內苑禱禽獸。十一月宸濠奏易府殿琉璃瓦。都御史林俊極言其不可止之。

十六年正月命翰林儒臣修歷代通鑑纂要。六月以

韓文為南京兵部尚書刑部尚書閔珪讞重獄忤旨
劉大夏入對便殿 上語及大夏曰人臣執法明主
宜屈意送之 上鎮之一如珪擬七月貴州女苗米
曾作亂命南京戶部尚書王軾兼左副都御史督兵
討平之八月錄故贈學士劉球曾孫祠官之九月遣
都御史王璟巡視浙江副使汪舜民巡視淮陽僉事
閻璽巡視廬鳳隨宜賑濟北直山東河南湖廣有被
災郡縣皆如例恤之十月祀元陳澔於都昌

十七年二月巡撫北直隸都御史縉以淮陽廬鳳四
府并徐州災傷請折收今歲免糧十五萬五千石備
賑三年後補還 上曰既災重民飢以流亡其即如
奏不必補還命造延壽塔朝陽門外大學士劉健諫
上曰其即罷三月壬戌太皇太后周氏崩丁丑既遷
朝 上以發太后與裕陵異莫不合禮召劉健李東
陽謝遂而議復講拊廟禮曰好為朕盡之建極心版
大臣呼先生既對 上下板階顧內臣替扉立送也

戊寅又議之乃下廷臣具議既議上癸未又召議之
凡三召對乃命特建廟奉享乃稱太皇太后以伸朕
尊親之意壬午上周太后尊謚詔天下已酉祔葬於
裕陵四月重修闕里廟成御製碑文遣大學士李東
陽往祭告立碑刻大夏為雨畿浙江：西河南山東
請蠲夏稅許之命它災傷處撫按官皆勘實蠲免取
回南京蘓浙等處蠲進內臣六月兵部尚書劉大夏
自劾乞休不許台問故對曰民貧恐變本兵重地臣

不足任之 上曰夫微於民有常制乎對曰近恐多
閭兵曰貧等民困舉錫木杵村無藝之征與轉漕番
操了責私役諸苦 上曰豈知至是其條聞既條上
嘉納之仍詔諸司議處各條弊政與不外之微以聞
上問大夏曰歲儲不給財安在對曰臣昔備買廣東
見廣省歲庫與中錢歲索殊不相當 上歸思久曰
求如鄧原夢秀者無寧已 上諭大夏曰事有不可
每款名卿以非部事止有當行罷者卿以揭帖密通

大夏對曰不敢 上曰何哉大夏對曰先朝李牧省
可以為戒 上曰國事也豈牧省比大夏對曰臣下
以揭帖進朝廷以揭帖行是亦前代墨勅斜封之類
也願 陛下外付府部內諮閣臣公是非焉 上稱
善虜教入滿家口等處北虜小王子營大同宣府邊
外聯絡四十餘里兵部以聞 上曰邊事重即推選
廷臣有文武略者分付諸邊整飾之卒已召劉健李
東陽於煖閣命語劉大夏謹備虜邊請并整點京營

官軍聽征慎選總兵官。上可張懋健對。須習戰者。
上曰：在方略。東陽曰：京營兵徒虛名，可故有十萬，今
損過半。古云：足食足兵，今乃兩乏。臣思及此，寢食不
下。上曰：軍不堪，削將宜恤士。東陽曰：近工役太多，
官軍困以窮外，衛輪班不足坐此矣。上曰：宣德以
前，內官監自有人，匠營繕之事不及軍也。東陽曰：

陛下習典故，章甚朝廷養軍，故不為工役，所以養其
銳氣。上曰：然語健。東陽曰：先生輩腹心大臣國事

不言朕惡從知之皆諾叩頭出次日健等上樂虜安邊事宜 上深嘉納令行毋後虜入大同遊擊衛勇與指揮鄭瑞禦之軍各殊死戰瑞手刃數虜為所支解勇竟失利還虜入延綏宣府七月大同鎮巡言虜掘壕殺軍 上召健東陽遷至煖關曰墩軍我赤子也被殺如此若何可言朕與作主其即日出所選京軍一萬禦之健等對曰皇上垂念赤子宗社之福京軍恐未可輕動也 上再三言三臣皆不敢決東陽

曰近北虜交通朵顏潮河川古北口甚可慮聞賊在
大同稍遠款東正不知何處若彼聲東擊西而我軍
出大同未免顧彼失此須少待其定徐議所向劉健
曰大同險遠東鎮尚可支潮河去京師一日切近宜
先慮 上曰今亦未便出備而待耳皆稱善後三日
召劉大夏而諭大夏力言不可 上曰 太宗朝頻
年逐虜何以不可出京軍大夏對曰今蜀穀乏而兵
馬疲將材鮮而士卒玩何可望 太宗朝抑 太宗

朝丘福亦嘗陷軍出不能預賊且曰害人徒費財力
有損無益戴珊曰大夏言是 上曰我悞乃更命侍
郎李繼大理寺少卿吳一貫通政董蘭之往經略邊
關九月 上召劉健等曰大同總兵官江奏臨陣用
軍法先生擬許之恐邊將且輕戰皆未敢對健曰臨
陣用軍法所從來矣人不効死難取勝 上曰雖然
命將出師可也邊總兵禦敵者第許以嚴法從重治
東陽曰奉而不許恐將難健曰昨兵部擬奏云尋常

小敵偏裨出戰母得用軍法此有斟酌 上曰昔曰
是將且玩其明白言之十月 上諭劉健等曰昨講
官講陳善開邪釋陳：說不如示教陳以善道啓沃
他：不如之皆對曰善 上曰語日講官要明白透
徹毋有顧諱乃盡論思十月 上台劉大夏迭容問
裁抑內臣事左右顧皆離數丈許大夏以不對 上
曰畏之乎猶疑朕聽寺人之君語久踰跟行 上命
左右曰朕與劉尚書話長尚書老拔出之

十八年正月 上召大夏珣議改賜白金二錠曰朕
聞朝覲日文官避嫌有闕戶不與人接見者如卿等
雖開門延客何害且命曰勿朝謝恐公卿聞而媿二
月初故都御史羅道於居庸四月 上召劉健等論

曰太常寺奏舖戶領物價中有洪武等錢市不通使
何也健對曰必自朝廷先之如賞賜折俸鹽鈔之類
無用舊錢乃可遷曰請禁私錢東陽曰鑄錢徒費有
司之慢也健等曰奏今公私困竭之時鑄錢最要他

它若屯田茶馬皆理財事不可不講東陽曰鹽法尤
重今壞盡矣諸邊關中徒名耳商人無利皆不肯上
納 上問故健等曰極論奏討之弊東陽曰奏討之
中又有夾帶奏討一夾帶十商人無利坐此也健等
又言 高帝時初行茶馬歐陽駙馬坐於販茶斤論
死高后不敢救其嚴如此今王府歲祿萬石不薄矣
今亦恒有奏討亦恒求庄田稅課朝廷念親：輒許
之常額有限自後宜絕 上曰善遂召戶部尚書韓

文令計議益法舊制及諸弊端以聞戶部主事李夢

陽上疏言事末請裁抑外戚張氏張鶴齡等奏辦夢

陽謗訕母后有斬罪十 上下夢陽錦衣獄置對

上問劉健曰李夢陽言事若何健對曰小臣狂安

上默然謝遷曰心無非為國 上領之會科道交章

啟 上曰夢陽妄言其對俸三月居有間 上問劉

大夏近外事何如大夏曰釋李夢陽中外皆懽呼

上曰朕始欲輕譴此人左右輒曰夢陽奏涉皇后即

欲輕亦須杖而遣之已顧大夏曰知其意否大夏對
臣不知上曰杖必死之渠輩快矣索朕報諫臣何
學士張元禎上疏勸經筵講太極西銘諸書上索
太極圖觀之曰天生斯人開朕也五月上不豫
日昧典司禮監太監戴義急召劉健李東陽謝遷入
上燕服榻坐呼前三人皆前叩頭上命左右水布
拭舌熱既曰朕承統十有八年今三十六歲遘疾殆
不與故召先生健等皆慰籍上曰朕自知命也後

曰朕守祖宗法不敢怠荒天下事多累先生執健手
若永訣者曰東宮十五矣未選婚可急令禮部行之
太監扶安李璋捧紙及研義奉朱筆 上口授義遺

旨義謹書 上執健手曰先生輩輔導之功朕所備

知東宮慧幼嗜佚先生勸之學成就之皆歎泣對享

卯 上召皇太子語曰朕不豫皇帝屬爾務遵祖法

奉兩宮修德用賢毋有怠惰禮儀悉依先帝遺教

素羞干刻有旋風起大揚塵雲蒙三殿空中若有騎

龍升者 上崩六月庚申上尊諡曰敬皇帝廟號孝
宗十月庚午葬泰陵方掩壙有五色雲見後上

石遺書曰孝宗朝有三大臣為王怒焉文升劉大夏
諸明臣良一曰千古其餘如秦紘余子俊倪岳戴淵
許道用經韓文張敷華輩敬登中外無不用當其尤
得力同心克襄至治成弘之際可謂盛矣其後 武
常嗣位巡狩田獵狗馬車騎干戈服御流賊巨盜靡
顧坐木有一於此皆足以滅亡其國乃終 武宣之

世民安物阜劇賊四起皆得殄滅使非孝宗十八
年之培養其亦何足以供後人之琢削也哉

石匱書卷第十

明 蜀人張岱著

武宗本紀

毅皇帝孝宗長子也生二歲立為太子稍長英敏好
騎射 孝宗大漸召大學士徒東陽邊楨前執手以
託及崩 上以五月壬寅嗣皇帝位詔以明年為正
德元年大赦天下尊皇祖母王太后曰慈聖康壽太
皇太后皇后張氏曰皇太后譚練武等營太監紫等

於耀武等營以尚衣等監太監祥等筦神機營內
旨兵部請如即位詔書裁革諸添設監籍分守：備
內官戶部請裁革各倉庫監局筦事內官皆不許九
月許慶雲侯周壽：軍侯張鶴齡家人等買長蘆兩
淮鹽引十月挑熙祖十一月命太監與司香太和山
兼分守湖廣科道官奏初詔革天下守備內官非舊
額者墨未乾違與無以示天下信不允十二月立備
壽宮十皇莊勅脩孝宗實錄

元年正月京師地震天鳴五星凌犯星斗晝見白虹
災異疊見以太監劉瑾管五十營張永管神機營并
中軍顯武二營徐智管奮武營馬永成管神機營右
掖王潤管神機營中軍二司以太監牛繼鎮兩廣二
月以都知監左監丞祿守大同以御馬監左監丞權
守右衛乙丑辭籍田三月朔星如雨幸太學以太監
宏管神機左掖三司景陽管左掖三司調馬永成中
軍二司孫和管機營右掖尚膳監太監果乞監督京

倉許之四月吏部尚書馬文升罷府部官張懋等上
書諫騎射詔褒之五月以太監斬管効勇營賢管神
機營右哨舉鎮守江西兵部尚書劉大夏乞歸許之
以太監魏彬管神機營中軍頭司六月辛酉雷震郊
壇禁門太廟脊獸奉天殿鷓鴣大學士劉健李東陽
謝遷上疏諫馳騁荒淫等事不聽七月彗星見參井
掃太微垣太白經天以太監劉雲守備南京劉璟鎮
守浙江岑章鎮守遼東梁裕鎮守福建張永鎮守山

東孫清鎮守貴州王宏鎮守薊平山海等處以劉瑾
為神機營把總同提督十二營授孔彥繩五經博士
至柵州孔子廟祀八月冊皇后夏氏及德妃沈氏賢
妃吳氏大角星擺動十月戶部尚書韓文科道等官
各上疏乞誅劉瑾等八人大學士劉健謝遷李東陽
持之甚急內監王岳范亨徐智亦密疏攻之詔捕劉
瑾等下獄瑾等泣訴上前上為之震怒立命瑾等
分據要地瑾掌司禮監事并提督團營兵馬勒大學

士劉徒謝遷致仕遣王岳范亨徐智鳳陽守陵劉瑾
於中途縊殺之戶科給事中劉蕡上疏極陳時政下
獄刑科給事中呂紳上疏乞留劉徒謝遷下詔獄十
一月山西道御史劉玉極論劉瑾免留徒遷責成輔
導下獄黜為民杖欽天監五官監候楊源於闕下謫
戍死肅州路南京六科給事中戴銑十三道薄彥徽
等上疏黜權閹留輔臣以安宗社劉瑾大怒捏旨差
官校逮繫錦衣獄罷戶部尚書韓文開住戶科給事

中徐昂論赦除名勒左都御史張敷華致仕以宣府
總督劉宇代之降南京兵部尚書林瀚為浙江左叅
政致仕十二月工科給事中陶諧上疏乞宥日逐侍
從逆逸諸人赦其誤國之罪黜職罷戶部郎中李承
陽下詔獄尋赦歸兵部主事王守仁疏赦戴銑等下
獄廷杖之謫貴州龍場驛丞劉瑾收天下章奏於私
宅栗旨批出徑行之景皇后汪氏薨

二年正月命甘肅鎮巡官採辦野味捕取豹於邊

方詔上元節勿禁民間作樂令吏兵二部凡進退文武官先於瑾處計議凡行方許進本閩正月以故永平大長公主府節為酒醋麵局外廠添設邊關隘口守條內官南京國子監祭酒章懋乞致仕許之虜大入花馬池錦衣衛逮到南京科道戴銑薄彥徽等二十八人并呂紳劉蒞各杖三十歲為民二月劉瑾傳諭都察院各道有奏章必先呈稟仍行南京都察院一體遵行劉瑾為晉藩事惡禮部尚書張昇不附已

勒令致仕三月榜奸黨劉健等於朝堂頒示天下取
趙福等六十三人有鷹子內苑初造新寺陞大慈恩
寺禪師領占竹為灌頂大國師大能寺禪師麻的寶
哩塔西麻櫻耶那卜堅參大隆善護國寺禪師普甫
藏卜為國師皆予誥四月勒兩廣都御史熊繡致仕
大學士李東陽疏諫內苑御船獵獸詔褒答之劉瑾
裁革天下提學官吏部尚書奏執不可止之劉瑾將
弘治元年以後守正職官封贈恩典悉行追奪五月

命預新明歲鰲山諸燈賜軍王宸濠音樂院色長崇
等四人冠帶勅各鎮守六監干預刑名諸政度天下
僧道四萬人軍王宸濠乞復護衛許之七月罷每歲
修邊役輸資京師復開白塔河八月黃河清慶雲見
翼軫分野 肅皇帝生於興却罪三邊總楊一清命
江南買果品捕禽鳥征商使致之修南海子殿宇橋
梁造豹房 上自此居豹房天下事益委理九月錦
衣指揮成業城民增獻地為皇莊納之錦衣指揮于

永善陰道秘戲 上悅之以為都指揮同知柳廣德
種章胡宣等搆亂而廣總督涂陳金討平之十月賜
皇親沈傳吳諫靜海縣庄田六千五百餘頃十一月
裁革天下巡撫并裁革天下按察司兵備官以孔聞
禮為五經博士主子思子廟祀於鄒十二月劉瑾誣
湖廣巡撫劉燮擅開荆楚道路違詔獄廷臣論赦釋
之劉瑾羅織浙江副使違憲以數遠東違儲不清罰
米二千石逮南京刑部侍郎劉憲以巡撫寧夏事下

獄卒雲南屬夷酋阿本構亂巡撫都御史吳文度討
平之于永孺旨索回：女善西域舞者十二人以進
三年正月李夢陽下錦衣獄翰林修撰康海申救得
釋南康縣民吳登顯等三家端午燒渡以檀造龍舟
捕之籍其家二月吏科都給事中王承裕上疏言時
政罰米三百石輸遼遼陶諧謫戍肅州衛三月改翰
林編修顧清等為部屬焦芳子焦黃中會試中式芳
款子為殿元衆考官抑置二甲首芳銜之改清等官

授黃 簡討及劉宇子劉仁等七人俱為庶吉士尋
擢編修劉瑾修理庄田擅掘天地壇後土堆侵占苗
竹廠等處官地五十餘頃拆毀官民房屋三十九百
餘間黷掘民間墳墓二十九百餘塚逮御史徐禎下
獄謫戍邊未行死於獄逮前總制三邊都御史楊一
清至京王鏊李東陽力救之得釋四月劉瑾假湖廣
災傷為名奏差同鄉侍郎韓福出理糧餉逮御史王
時中下獄枷脰法司前戍遼東鉄嶺樹仍罰米一百石

輸邊封內臣馬永成谷大用等八黨父皆為都督五
月命戶部左侍郎韓福兼左都御史督理湖廣逋賦
南京大饑勅南京運米三十三萬石轉卹鳳陽南京
兵部尚書何鑑執奏止之劉瑾將已故戶部尚書秦
紘通政強珍各籍沒財產家屬投遣充軍以右都御
史熊繡先撫大同迺爛布豆罾米五百石輸邊以給
事中安奎御史張或盤糧報數不明枷脰長兵門外
六月劉瑾執朝官三百餘人下詔獄時早朝有遺匿

名書於丹墀者書內備言劉瑾亂政瑾下殿入班詰問無肯承者乃傳旨五品以下官三百餘人午門跪聽處分至未牌不放時酷暑暴烈日中仆地死者十餘人至晚悉械送錦衣獄追究竟無踪跡大學士李東陽奏釋之逮前戶部尚書韓文下錦衣獄考訊欲置之死監禁數月罰米一十石押赴大同親納更以它事罰米二十石家產不能償皆稱貸以給逮南京戶部尚書王佐致仕南京戶部尚書張縉下獄罰佐

米一千石緡米五百石七月劉瑾勒令南京戶部尚
書林泮劉吉致仕查都御史劉孟到任延通枷脰吏
部門外命樂工教樂以盛慶成之宴民間有善眩戲
者許進之京師八月勒令南京戶部尚書雍泰致仕
吏部尚書許進削籍為民逮除名編脩劉端以安薦
雍泰罰米二百石輸大同逮致仕南京刑部尚書樊
瑩以守松江裁減官布罰米五百石逮前兵部尚書
劉大夏南京刑部尚書潘蕃下獄蔡衡各永遠充軍

劉瑾以劄字為吏部尚書曹元為兵部尚書九月劄
瑾禁各處有司不許奏災異劉瑾怒都察院審錄重
囚內寫劉瑾傳奉字樣數多罪之都御史屠濟舉十
三道御史謝罪御史魏階下瑾數其罪斥責皆明蹟
不敢仰視十月四川渠盜藍廷瑞郝本怒起漢中攻
陷郡縣起右副都御史林俊發兵討之十一月劄瑾
劄宜真觀於朝陽門外大學士李東陽為製碑文脩
撰何塘見劄瑾不屈乞致仕十二月劄瑾據前巡撫

延綏都御史陳壽罪罰米三百石輸居庸

四年正月憲廟廢后吳氏薨廣東兵備僉事吳廷舉
幣兵征十三村池水清洞巨盜平之二月勒故大學
士劉健謝遠為民著令餘姚人母官京師三月禁百
官有名天者四月虜教寇大同命有司送諸府樂工
於教坊修孝宗實錄成劉瑾以弘治纂修大明會典
禱入新例壞祖宗舊制悉毀之纂修官梁儲毛澄傳
瑄皆降職五月遣廣東兵備僉事吳廷舉下獄七月

日本南海首遣使來貢廣東樂昂仁化獯獯與柳桂
賊據遂總督兩廣右都御史劉洪調狼兵及官兵二
萬討平之八月陞大隆善護國寺圓師普省歲一為
法王利麻羅什班卓班丹瑞竹班卓羅竹朵而只堅
奉務為左覺義道錄司在正一柏尚寬為真人劉璣
以南京兵部尚書何繼巡撫江南事罷米百石原籍
上納 上特命蠲之九月歲內盜起遣御史累果殺
獲聲鳴鳳督捕犀盜吏部推張泰為戶部尚書劉璣

勅令致仕下刑部侍郎陶瑛獄罪米四百石劉瑾証
平江伯陳熊贖私違獄黜伯爵籍沒財產全家押焚
海南衛克軍十月四川保寧流賊劉烈聚衆作亂僭
號稱王侵掠陝西漢中等處罰南京禮部尚書孫需
米二百石輸邊尋令致仕十一月降徐淮捕盜御史
薛鳴鳳為徐州弓手趙陞有旌為左都督劉瑾私置
軍器十二月虜入花馬池統制尚書才寬死之予諡
謚閱武西內平畀國姓稱義平者朱鐸等十二人為

錦衣衛百戶朱璽等四人為所鎮撫諭戊平江伯陳
熊并其妻子於海南保軍流賊藍廷瑞僭稱順天王
鄒本恕稱括地王廖惠稱掃地王合衆十萬寇湖廣
鄖陽等處改右副都御史林俊巡撫四川發兵禦之
亦不剌阿爾禿廡掠西軍諸番命選精通樂藝者八
百戶於樂院

五年正月裁江西鄉試解額二月禁新城萬安人仕
者選除為京官三月沔陽洞度水寇立仁楊清等攻

掠城邑官軍屢失利總督洪鍾以計擒之陞大能仁
寺國師邨卜堅參禪師剗已歲緒為法王都綱邨卜
領占為佛子公葛端竹堅措北夫為禪師封致仕右
都督神英為涇陽伯大理寺古評事羅僑興櫬直言
下廷議莫敢是命降為教職四月安化王寘緒反命
涇陽伯神英掛平胡將軍印充總兵官太監張永總
督軍務起前都御史楊一清為提督出師討之師未
至寧夏游擊仇鉞襲寘緒遂平五月湖廣盜劉惟華

洪景清等掠桂陽指揮鄧晏死之百戶于江力戰擊
殺景清惟華并力刺江亦死六月陞大慈恩寺佛子
乳奴領占捨利札俱為法王上自命曰大慶法王因
鑄大慶法王西天覺道圓明自在大定慧佛金印兼
給誥命鐫印曰天一七月總制尚書洪鍾總兵官毛
倫擒斬湖廣賊楊清立仁等平之改蒲田人監察御
史陳茂烈為晉江教諭八月太監張永自安化還
上戎衣御東長安門文武大臣候犒東頒幣宴錯獻

其倅金鼓之聲振天 上置酒勞永諸閣侍比夜劉

瑾先退永密奏曰寘錯以誅劉瑾為名致冠者瑾也

目上其十七事曰瑾且反 上曰負我負我齊請亟

之諸閣皆詆瑾 上自執之夜繫之菜廠降為奉御

且籍沒之得偽璽一牙牌五百扇中置刀二及衣甲

弓弩之屬 上大怒付獄下廷議磔之收其黨吏部

尚書張綏及掌錦衣衛指揮使楊玉掌鎮撫司事指

揮石文義於都察院獄點大學士曹元及其黨二十

餘人皆為民仇瑾所更置于奪者悉復故革軍王宸濠護衛以慶王台不赦正 鑄反革護衛及祿米之

一九月加張永歲祿米四十八石賞銀五百兩紵絲五十表裏封仇鉞為威寧伯 上曰張永奉命出師

討叛宜民還奏逆理消變善大歲賞止其身未稱下

兵部議尚書王厰會諸臣議永救軍中外兩建奇功其兄弟並宜封伯以稱國家報功意 上曰是乃封

永兄雷泰安伯弟容定安伯四川流賊藍廷瑞鄒本

恕廖惠攻破通江城巡撫都御史林俊擊敗之走陝
西十月陞國師羅竹班卓丹瑞竹為灌頂大師禪師
領占陸竹為國師給番僧度牒三萬漢僧道士各五
十以廣耆教桃源洞賊汪澄三王浩八等劫掠樂平
餘干諸縣破安仁霸州強賊劉七等詣州自首貫其
死斬逆瑾親屬傑等十五人瑾侄劉二漢黨張文冕
楊玉等於市凌遲石爰義張綵死獄中肆屍劉之詔
復少師劉健少傅謝遷吏部尚書許進戶部尚書韓

文兵部尚書劉大夏工部尚書楊守隨南京兵部尚
書林瀚左都御史張敷華等官致仕如故復給事中
湯敬禮等十六人御史陳琳等三十五人官查明叙
用陞王守仁為虛陵縣四川都御史林俊奏擒獲
賊首廖惠餘俘斬無算

六年正月四川都御史林俊來元旦道兵圍燒江津
逆賊曹甫等殲之以揚一清為吏部尚書起李夢陽
為江西提學副使調南京刑部主事王守仁為吏部

驗封司主事台何鑑為刑部尚書以太監甄謹鎮守
河南王潤鎮守湖廣畢真鎮守山東高魁鎮守福建
張倫鎮守雲南黎安鎮守江西朱嵩分守居庸張鳳
守備紫荆許全守備淮安梁泰管廣東市泊二月巨
盜劉七等聚眾攻安肅縣初去在獄盜黨齊彥名初
掠畿內州縣四月命太監張永同刑部尚書何鑑右
都御史王鼎大理寺卿張綸審囚凡矜疑聞寔者奏
聞從末減釋之江西盜起命守制右都御史陳金總

制江湘關廣等處軍務率副總兵張勇討之五月以
何鑑為兵部尚書提督團營六月總制尚書洪鍾四
川巡撫林俊陝西巡撫藍章會兵討藍廷瑞鄒本恕
等賊擒之七月四川都御史林俊乞致仕許之以惠
安伯張偉充總兵官右副都御史馬中錫提督軍務
統京營兵征流賊時劇賊劉六趙鳳斗等劫河南
山東擁衆北而京師戒嚴張偉馬中錫逗留觀望遣
錦衣官校逮之下獄論死八月大獲兵討劉賊命伏

差伯毛銳充總兵官太監谷大用總督軍務兵部侍郎陸完提督軍務擢山東樂陵知縣許遠為山東按察僉事脩兵於武定州劉七楊寡婦以千騎犯利津遠率衆破之賊遠遁不敢犯賊攻徐宿州靈璧虞城等縣官兵及賊戰於白龍王廟小黃河賊楊虎以舟覆死十二月賊破舞陽葉寶豐裕州等州縣裕州同知郁采死之命右副都御史彭澤討河南流賊是月趙胤子入泌陽進攻鈞州不克

七年正月黃河清伏羌伯毛銳與流賊劉七戰大敗
撤回京師總制彭澤統各路兵敗趙燧於西河縣遣
太監陸開監鎬督諸軍進討流賊二月江津殘賊方
四等劫掠南州等縣都御史高崇熙等邀擊敗之三
月都御史彭澤同總兵仇鉞等調諸將擊趙燧等於
西平大敗之南贛都御史周南攻破大帽山巢賊張
番壇等盡平之四月都御史彭澤大敗趙燧於六安
州湖廣僉事郭韶復敗趙燧於應山縣總制彭澤巡

撫劉而督各路軍馬復追敗趙燧等於應山并平舖
隨州逢龍山等處賊黨劉忠劉資等潛匿山谷逃命
江西副使周憲移軍攻華林賊於仙女寨拔之遣軍
李鉉敗劉六等夥賊於臨朐沂水鐵之五月趙燧掠
河南州縣為延綏軍要官軍所敗轉寇至六安官軍
復追擊之衆多散亡劉三楊虎邢老虎俱死走至商
城燧窮蹙鬚髮為僧將渡江投江西遇武昌軍人趙
成執之解官獻俘閏五月派賊劉六劉七齊彥名等

為官軍所敗犇黃州府掠軍民船入洋子江下南京
至鎮江為揚州官軍所逼六月復自通州泝流上至
九江七月又下南京凡三往來沿江一帶荼毒甚慘
八月劉六等停住狼山遇颶風碎船賊上山被官軍
圍殺生擒齊彥名劉七落水死餘賊及龐文宣俱擒
獲解京九月論平流賊功封太監谷大用第六寬為
高平伯陸闡弟永為鎮平伯仇誠進封咸寧侯並賜
誥券世襲都御史陸完加太子少保召回京掌院事

詹一子錦衣百戶十月內旨調邊軍入衛遣司禮監
與谷大用同至內閣議李東陽等力辨以爲不可翌
日乃以內降行之大同游擊江彬等入京遂得寵幸
十一月少師大學士李東陽乞致仕許之雲南十八
寨夷出降巡撫都御史洪遠安撫之詔建鎮國府於
大內西城四川漢中劇賊廖麻子喻恩俸等內江劇
賊駱松祥等崇慶劇賊范藻等分知州縣命都御史
彭澤同總兵時原等出征蜀盜十二月詔備豹房廩

亦不刺殺阿爾倫可汗走西海虜中立阿不孩為可
汗奸人李五以幻術惑衆倡亂官兵敗之五遁去

八年正月江西桃源賊汪浩、等復亂率五洞蠻兵
與東鄉賊分劫州縣命擢江都御史俞諫同總兵劉
暉率狼兵征勦詔建延壽寺於西內殿二月四川巡
撫高崇熙以盜賊不平逮下獄四月起副都御史陳
壽巡撫陝西寧王宸濠益陽春書院借號齋宮濠懷
不軌招致術士李日芳言城內東南有天子氣因蓋

書院以當之江西兵備副使胡世寧征東鄉劇賊樂
廣二陳邦四等平之四月四川總督彭澤率苗兵征
漢中劇賊廖麻子等平之詔開設皇店五月北虜入
寇大同渾源靈丘繁峙等處江西叅政吳廷舉單騎
入桃源諭散汪浩八等為賊所留劫以威不動久之
回結其左右有謀勇者使執其頭目以歸六月河決
黃陵岡浙江總督陶琰應天巡撫王纘江西總制俞
諫夾攻桃源賊汪浩八等於徽柘平之七月西僧欲

奪甘州民田遣官督建禪寺禮部尚書劉春不可止
之八月哈密忠順王速檀拜牙即走降土魯番滿達
兒遣人據哈密詔立皇莊五所九月總制彭澤討內
江副賊駱松祥等平之詔建超翠大素等殿江西副
使胡世寧請總督巡撫城廣昌南豐新城以固防禦
捧檄督成之十月賜義子錢寧以國姓掌錦衣衛事
甘肅巡撫趙鑑浚渠招屯募民益兵邊民賴之十二
月江西總督俞諫調兵征建昌賊徐九齡等平之詔

贈誠意伯劉基太師

九年正月寧王宸濠獻異燈 上命張於乾清宮燈

着柱壁如畫以羶幕承簷貯火樹為火不戒延及外

宮殿 上見火燄悅之戲語曰燒棚總制彭澤討崇

慶劇賊范藻等平之 上在豹房二月河南巡撫陳

珙奏沔池河清二百餘里 上始微行黃花鎮等處

三月江西總制俞諫檄兵脩胡世寧等會兵勦臨川

四寨宥盜盡平之寧王宸濠乞復獲衛屯田許之大

舉士費宏執不可請近侍共譖於上勒令致仕八月命都御史彭澤總督甘肅等處軍務經略哈密上設東西兩官廳禁中視圍營練兵以太監張志領東邊將許泰領西復設勇士營領以神用劉暉皆賜國姓為義平四鎮兵號四外家復使江彬兼統之上自領中官善騎射者為一營曰中軍江彬數為上言邊塞之樂上大造刀銃甲箭將游幸為九月上狎虎被傷閱月不視朝無敢言者編修王思具疏

諫杖闕下降三河驛丞尋以傷重死十一月整理陝西糧儲侍郎馮濟奏改西安延綏慶陽等府糧草皆

徵折色銀兩解邊下部從之十二月上為宮以

齋門廡帷幕至於濶屬畢具陝人造之一年乃成

十年正月土魯番火者他只丁冠赤斤苦峪諸處二

月禮部尚書毛紀乞停遣使西域齋番供上諭知

之車駕自西安門外出經宿而回大學士楊廷和舉

儲新貴上疏止宴游不報閏四月召甘肅都御史彭

澤回京掌院事澤奏土魯番速檀滿速兒王畏威悔
禍已將哈家城池金印獻還乞將鎮巡官各加恩典
遂取澤回京而哈家終不可復七月謫光祿寺少卿
楊瑋出知瀘州上好養畫眉每日至光祿索子鵝
頭數十作畫畧食瑋言天下民窮財盡何處討許多
半擄頭大加裁損上命中涓詰責瑋衣白布褶號
干門外上怒謫之北虜大掠固原平涼等處米寧
以鈔一萬發浙江十一府易銀三萬而右布政方良

永疏劾之寧懼乃委過下人追所發鈔而以價銀還
茂良永三上疏乞休許之十月江西副使胡世寧奏
寧王謀為不軌宸濠賂用事者中以危法逮捕之拷
掠備至御史徐文華等訟其寃乃得減死謫戍遼東
十一月嬖倭言西域胡僧有知三生者西人謂之活
佛上使太監劉元往迎率指揮十戶百餘人甲士
千以珠琲為幡幢黃金為七供賜法王金印袈裟及
其徒饋賜鉅萬計勅以十年往還得便宜處置錢物

益犇官軍護送之十二月命太監郝原鎮守遼東劉
祥鎮守延綏寧成總鎮而廣訐滿鎮守江西王保鎮
守四川

十一年正月令屠庸關擒致生虎豹御史屠僑言屠
庸關東北陵寢地諸兵以守關為重不宜使擒生不
報二月都督馬昂之妹美已適人有娠江彬以聞

上台之昂妹美駢射解胡樂韃語 上學為以昂為
右都督賜第太平倉東馬氏一門無大小皆賜蟒衣

宦者呼昂男科道官諫不從已 上從數騎過昂飲
酒酣名昂妻昂不應 上怒起昂妹乃踈三月兩廣
總督陳金調土漢官軍征府江西岼相江等村巢窟
賊平之四月安南陳嵩弑其主黎暉 被弑無子國
人共推立其子黎諱嘗國事年踈光紹陳嵩子陳昂
占據諒山府等處稱王年踈天應五月贈故布政使
陳邈為光祿寺卿與諶收自宮男子三千四百人充
海戶人月予斗米以內官監賜鎮守騰衝金齒七月

虜入宣府總督侍郎丁鳳調兵禦却之九月土魯番
復擾哈密倭肅州守將芮軍禦之敗沒十月甘肅兵
備副使陳九疇敗土魯番於肅州兵部尚書王瓊劾
彭澤賄夷啓釁乞究勘盜之推南京鴻臚寺卿王守
仁為都察院左僉都御史巡撫南贛汀漳等處十二
月北虜犯山羊口入宛平清水社殺掠人衆

十二年正月丁丑朔賄鳴鼓漏下十刻乃朝、散百
官吏卒相失譟沸有踐死者戊寅台內閣府部大臣

及科道官左順門召甚急曰己丑郊既將改南海牛
皆諫己丑郊改南海牛文武大臣追從駕方縱獵門
閉立而待既哺使歸候奉天門漏下十刻駕還宮廣
寅御奉天殿羣臣行慶成禮既夜宴幸己賜所獵獸
於諸大臣及五品以下二月織造袍服於陝西以太
監吳經崔安守備南京虜入開原鎮夷堡叅將孫棠
太監王秋等禦之追至創忽兒河斬首八十六級三
川南贛巡撫王守仁調三省兵攻寇信豐龍南流賊

連敗之四月上魯藩陰遣使寓六虎仙以秘術干進
賜預養平之列五月上微行至石經山數日乃還
南贛都御史王守仁調兵攻何塘洞山寨賊苗磨師
富等及長富村等處二十餘巢平之守仁上疏自請
提督軍務兵部尚書王瓊力請與之六月上魯藩誣
奏都御史彭澤陳九疇激變番夷下兵部議以欺罔
逮下獄尋命會議內批褫澤等為民七月上幸南
海斗馳一騎而已從近壁數人部院臺諫諸臣詣跪

海子門請還蹕 上使：慰之示還期至期不至諸

臣洵：欲再往有言古天子四時巡狩南海子階序

耳洵：者徒搖人心諸臣乃止。月甲辰 上微服

出德勝門幸昌平欲出居庸關：御史張欽兵而立

關門以攔駕三抗章 上不得出乃往東馬房轉道

州循南海子返豹房丙寅 上復出德勝門趨居庸

卒未 上度關門曰始張御史閉關今亦來此遂幸

宣府令谷大用禁關癸酉梁儲請還蹕不報九月

上獵陽和城天雨冰雹軍士有死者夜隕星如雨駕
幸大同北虜擁衆數萬犯陽和掠應州命諸將擊之
虜引去駐蹕宣府江彬宣府人欲挾上自恣始誘
為西北之行既幸宣府遂營建鎮國府第時：夜出
見高門大戶即馳入或索其婦女於是富民賂彬求
免父之軍士樵薪不繼至燬民屋廬以供費市肆蕭
然白晝戶閉十月南京吏科給事中孫懋疏乞罷黜
江彬不報南贛都御史王守仁率官兵討汀州左溪

賊首藍天鳳等平之十一月南贛巡撫王守仁率兵
征捕同賊巢及穩下諸抗等巢倅斬六千六百級破
巢八十有四釋其脅從千餘流亡復業請立安遠縣
溢之十二月大學士楊廷和及九卿至居庸關請駕
有禁不得出關疏請回鑾不報閏十二月大學士楊
廷和等以次出視郊祀如常儀有旨戒諭京城九門
守門官勿放朝官出城丁亥立春 上迎春宣府以
大車數十使僧與女共載女執毬車驅之穀擊僧首

相觸或墮 上大笑樂戲盡駕還京至日命文武百
官具綵帳數十綵聯千數不敢稱尊孫惟稱威武大
將軍文武列銜名亦不敢稱臣是日天子擁邊騎戎
衣裹赤氍而騎炬光煜煜浴鐵開羣臣服曳撒大帽
衣褊袂繫鸞帶叩頭迎道左既至幄天子下騎坐羣
臣手進紅氍夾陳羊酒白金綵幣廷和奉觴儲注冕
奉果紀奉金花天子接飲曰朕手斬虜首一於榆河
皆叩頭賀遂起馳入宿豹房論應州功太監張永魏

彬張忠加歲祿廩一任江彬封平虜伯許泰封安邊
伯諸臣濫賞者九千五百五十五人又勅兵部曰總
督軍務朱壽親統六師勦除虜寇汛掃腥膻安民保
衆雄威遠播邊境肅清神功聖武宜加顯爵以報其
勞今特加威武大將軍公爵俸祿仍論吏戶二部知
之

十三年正月庚戌大祀天地於南郊祀畢如南海子
觀獵辛亥夜還宮壬子御奉天殿羣臣行慶成禮以

所獵獐鹿賜文武大臣及科道等官辛酉復如宣府
南贛巡撫王守仁密計擒瀝頭賊首池大鬚等尋進
兵攻上中下三洲及九連山等巢悉平之二月太皇
太后王氏崩越三日 上還京乃葬喪謚大行皇太
后曰孝貞純聖后三月詔遣中官劉克通活佛使烏
思藏淮陽巡撫龔蘭南京兵部尚書喬宇疏斥佛老
無益乞還充勿遣不報南道御史林有年極諫忤旨
逮詔獄四月 上以大行皇太后梓宮將祔葬親往

天壽山祭告六陵至陵 上忽馳馬下山陪祭官皆
驚散 上宿於帳殿遂往黃花鎮家雲等處游幸五
月駕還京六月 上遣太監蕭敬傳旨近年霜苗犯
順承平日久恐地方兵戎廢弛其遼東宣府大同延
綏陝西軍夏甘肅尤為要地特命總督軍務威武大
將軍總兵官朱壽統率六師隨布人馬或攻或守即
寫各地方劄與之使其畢掃腥膻靖安民物至於
河南山東山西南北直隸倘有小寇各給與劄書使

率各路人馬剪削朱壽者 上之別名是曰隨台內
開大臣及九卿科道官至左順門諭意衆皆泣諫不
聽台梁儲面促草勅儲伏地流涕免冠請死良久釋
之禮部尚書李遜學等廷議建儲若居守朱寧陰受
寧王賄謀入寧世子江彬欲立所厚遠藩梁儲正色
危言議遂寢七月韃靼擁衆深入陝西固原靖虜臨
洮鞏昌秦州等地方殺掠西去兩廣都御史楊旦調
官軍土兵征河源等縣蘓洞十八山滴水巖青龍岡

帽于峯等寨徑撞平之駕復北幸黎明繇東安門出
羣臣送者五十二人駕度居庸關歷懷來保安諸城
堡遂踰蹕宣府初江彬勸上於宣府治行宮越歲
迺成糜費不可勝計復輦豹房所貯諸珍玩及巡遊
所收婦女寔其中上甚樂之每稱曰家裏八月駕
自宣府萬全衛歷天城陽和至大同九月駐蹕大同
又至偏頭關凡車駕所至貴近多先掠良家子女以
充幸御至數十車在道日有死者左右不敢以聞十

月駕渡黃河駐蹕榆林江西巡撫孫燧捕宸濠賊首
吳十三等繫南康府獄濠恐泄謀陰令賊黨劫獄奪
去十一月駕至綏德州幸總兵官戴欽第奪納欽女
戊寅駕自榆林歷米脂綏德渡河幸山西石州文水
諸州縣十二月駐蹕太原先是幸偏頭關取太原晉
府樂工楊騰妻劉良女嬖之及是復召見大得幸
十四年正月戊辰駕謁太原士子至宣府往返數十
里皆輕騎戎裝冒風雪以行二月駕還京師三月

上自稱總督軍務威武大將軍太師鎮國公朱壽巡
南直山東江南湖廣翰林科道交疏進諫上大怒
下黃翠陸震夏良勝萬潮陳九川高釐於錦衣衛獄
命舒芬張衍慶姜龍馮涇孫泰顧棠等百七人跪午
門外五日林大輅周敘余廷璿等七十餘人俱下獄
明日同黃翠等六人亦跪五日是日烹師陰竄晝晦
人情震駭宮城內海水溢過御橋四尺許橋下鐵
柱七齊折如斬有錦衣指揮僉事張英曰是大變故

明驗駕出必不利肉袒扶兩囊土跪端門外衛士詰
之曰至尊若出生靈無依英當隨駕若遇變軍死此
即自刃其胸衛士奪英刀不死亦下獄鞠治問英何
囊土為恐灑血污帝廷土掩之可法司咥英英言擬
斬詔杖八十遂死 上怒諸諫官命錦衣衛將舒芬
等百有七人午門前各杖三十為首者謫外任餘俱
罰俸四月將黃鶚等六人林大輅等七十餘人各杖
五十戊革降誦有差時被杖死者陸震余廷璿馮涇

等十餘人駕遂不果出福建福州軍亂誅其首惡進
貴等五月御史蕭淮劾奏寧王宸濠不法事命太監
賴義駙馬都尉崔元都御史顏頤壽往戒諭之六月
太監義等行未至軍王宸濠報都御史孫燧副使許
達以反傳檄州縣以李士實劉養正為軍師左右丞
相叅政王春為提督軍務大元帥兵部尚書戊寅遂
濠遣徐欽率賊首閔念四吳十三等乘船順流抵廣
康九江府兵備副使雷雷知府陳霖汪隸等遁走城

破并諸屬縣皆陷逆濂達王春等飛旁縣諸賊黨并
今畢真反杭州為應都御史王守仁設計為公文誤
逆濂不敢速發飛報請命將征討移檄達近暴露

濂罪惡遂起兵討遂七月達濂會李士實劉養正造
偽檄指斥朝廷屬宗黨楊標與萬銳等留兵萬餘守
南昌自與拱榘李士實劉養正閔念四等六萬人號
十萬出鄱陽舳舻蔽江而下聲言直取南京都御史
王守仁率知府伍文定等會於臨江樟樹鎮五日下午

南昌擒宜春王拱榦及偽大監萬銳等千餘人宸濠
反兵歸故王守仁逆擊於黃家渡敗之次日我兵復
與濠戰大敗之再次日我兵火攻濠舟衆遂奔散執
濠并其母郡王將軍儀賓及偽官等數百餘人奏捷
表都御史孫燧副使許逵忠節遺濠黨大監蕭敬東
部尚書陸完等籍其家八月下詔親征大學士梁儲
蔣冕廷舉守仁捷音未至宗諸邊將在勦慶豐
多獻擒濠之策上亦欲假親征南游遂自稱威武

大將軍總兵官太師鎮國公朱壽往江西征宸濠遣
遣將江彬鄒泰劉暉太監張忠張永魏彬先領兵紮
大江至江西都御史王守仁上疏立止聖駕親征不
聽九月駕發京師至涿州章太監張忠松策王守仁
貴南星曾淵遂濬等獻俘關下張忠許泰等謂當繼
之鄒湖侯駕親與遇戰而後奏凱論功連遣人迎至
廣信守仁不聽乘夜過玉山張永已候於杭州守仁
與永言江西民不堪命大亂之後又遭大兵必逃聚

山谷為亂土崩之勢萬不可支永深然之守仁以送
濠付永遂歸江西十月壬辰朔駐蹕保定府張宴後
堂與巡撫都御史伍符歲間醉之為樂癸巳發保定
戊戌至臨清山東鎮巡官皆從癸丑駕臨清復還北
初駕南征與劉氏有約劉贈以一簪且以為信過蘆
溝馳馬失之大索數日不得至臨清使、召劉、以
無信物辭上乃乘輦舸晨夜疾歸至張家灣與劉
氏俱載而南道過湖廣叅政林文燾入其舟奪其妻

乃行十月壬午發臨濟十一月辛卯發濟寧丙申至
徐州辛丑御龍舟乙巳至淮安清江浦書太監張陽
第集漁人捕魚為樂時江彬縱恣旗牌官拷縛郡縣
長吏通判胡琮懼而自縊南京守備成國公朱輔見
即長跪總兵鎮遠侯顧仕隆補不為屈即窘辱之又
遣官較四出索民家鷹犬珍寶古器無得免者壬午
駕在清江浦羣臣於張陽第祿賀甲寅駕至淮安却
侍衛步入城幸總兵顧仕隆第己未至雲應縣漁汜

光湖十二月辛酉朔至揚州府太監吳經前往選民
居壯麗者為總兵府孺旨副處女寡嫗曰取其金無
金者悉送入府壬戌上以數騎獵城西遂幸上方
寺命總兵神庠搜括泰州鷹犬辛未傳旨正月於南
京郊祀天地大學士梁儲蔣冕力諫而止戊寅大閱
諸妓女於揚州撫按官具宴却之命折價以進癸未
演於儀真之新聞曰視大江命江彬攝祭明日幸民
黃昌家閱太監張雄守備馬吳所選妓以其半送舟

中乙酉渡江丙戌至南京丁亥祭太廟太監張永復
命先寃上脩言王守仁之忠有詔召守仁至南京
張忠等從中沮之仍命巡撫江西陞吉安知府伍文
定為江西按察使贛州知府邢珣為江西布政司右
叅政太監張忠遣將許泰劉暉等復營內旨領京邊
官軍萬餘人往江西勦捕宸濠餘黨時江西已寧忠
等搜求微隱羅織平民妄濫誅戮軍馬駐西省城五
月糜費浩繁萬民嗟怨湖廣鎮守中官李鎮附江彬

橫肆誅求巡撫都御史秦金奏鎮不法事不報

十五年正月庚寅朔謁孝陵丁酉上迎春於南京

脩諸劇戲如宣府戊午以通謀宸濠執太監畢真劉

嬭劉璟都指揮廖鵬齊佐王準都督同知王獻等下

錦衣獄二月駕在南京江彬統領邊軍數萬恃恩跋

扈南京兵部尚書喬宇持正鎮靜每事裁抑彬亦敬

憚不敢肆彬每假傳旨有所求為宇必請面奏彬計

輒阻三月楊廷和毛紀題請回鑾舉大禮以安人心

不報五月駕幸牛首山再宿諸軍夜驚左右皆不知
上所在大擾久之乃定七月駐蹕南京既久復有游
蕪杭泛江浙游湖湘登武當之意畿內郡縣供億不
支梁儲蔣冕懇請回鑾執奏跪泣自未至酉詔中官
取奏入且諭之起對曰臣未奉俞旨不敢起中官復
出傳允回鑾乃起八月壬辰詣孝陵辭癸巳受江西
俸丁酉檢蹕蒞龍江辛丑至儀真壬寅演於江口次
日如瓜州避雨民家夕宿望江樓癸卯自瓜州濟江

登金山遂如鎮江幸致仕大學士楊一清家明日復
幸焉入書室取冊府元龜文獻通考以進又明日飲
於其第樂作分題製詩十章賜一清命和進為易毅
字一清厚有所獻上大悅及駕還凡五幸焉又幸
故大學士靳貴第時樞在堂上臨嗟悼之命所從
番僧為誦經薦福庚戌蒞鎮江士子復宿望江樓癸
丑駕至楊州仍寓總督府丁巳撫按等官設宴慶功
用金銀牌各二軸一旄帳綵帛若干及其餘折價以

進戊午歲揚州廣申駕至寶應復渙於汜光湖鎮守
太監丘得索貢物不得以鐵索繫知府蔣瑤辛卯駐
蹕淮安都御史葉蘭總兵官顧仕隆等進賀功金牌
花紅綵帳上戎衣簪花鼓吹入城過山陽縣學入
取學宮通鑑諸書以出遂宿故尚書金濂第丙寅至
清江浦復幸太監張陽第踰三日上自泛小舟漁
於積水池舟覆溺焉出左右呼萬歲曰龍也十月駐
蹕通州羣黨欲自獻宸濠俘襲功張永曰昔未出京

宸濠已擒柰何繫之於是以太將軍鈞帖令王守仁
重上德音守仁乃節略前奏入諸人名於疏內上之
十一月甲申執吏部尚書陸完等至行在下錦衣獄
起陞胡世寧為右僉都御史巡撫四川丁亥傳旨擇
日詔告仍命六部都察院通政司大理寺鴻臚寺錦
衣衛六科十三道每衙門止留佐貳官一員其餘并
內閣皇親公侯駙馬伯俱赴行在十二月己丑平虜
伯朱彬奏奉威武大將軍總兵官太師鎮國公朱壽

指示方略擒獲宸濠逆黨乞明正其罪有旨褒諭賞
廢賜宸濠死燔屍揚灰甲午駕至京師文武百官迎
於正陽橋南是日大耀軍容俘諸逆者及家屬數
千人陳輦東西上戎服乘馬立正陽門外閱視良
久乃入諸俘自東安門經大內出丁巳乃補郊初獻
上拜伏嘔血扶歸於齋宮踰宿乃歸內羣臣問安左
順門女直指揮連里忒進小熊一特納之太監于經
侍疾頑懷上斥之使就學內書堂壬子力疾視朝

降手勅改王瓊為吏部尚書

十六年正月 上力疾詣奉先奉慈二殿及皇太后

宮行禮出視朝以不豫改郊二月又改郊古田蠻賊

平三月丙寅 上寢疾豹房大漸惟太監陳敬勳進

二人在左右乃謂之曰朕疾殆不可起矣爾等與張

銳可召司禮監官來以朕意達皇太后天下事重其

與內閣輔臣議處之前諸事皆繇朕而誤非汝衆人

所能與也俄而 上崩於豹房敬勳奔告慈壽皇太

后乃移殯於大內是日傳遺旨諭內外文武羣臣以朕疾彌留儲嗣未建朕皇考親弟興獻王長子年已長成賢明仁孝倫序當立已遵奉祖宗兄終弟及之文告於宗廟請於慈壽皇太后即日遣官迎取來京嗣皇帝位奉祀宗廟君臨天下又傳遺旨豹房隨侍官軍勞苦可憫令永勛泰憲提督統領加意撫恤罷威武團練營官軍還營各邊及保定官還鎮革各處皇店管店官校并軍門辦事官旗校尉等各還衛

其各邊鎮守太監留京者亦遣之哈密及土魯番佛
郎機等處進貢夷人可給賞令還國豹房番僧及少
林和尚各處隨帶匠役水手及教坊司人南京馬快
船非常例者俱放遣已上數事雖奉遺旨宴內閣輔
臣請於太后而行者皆中外素稱不便故釐革最先
奉皇太后懿旨下江彬詔獄論死籍其家四月上尊
號曰毅皇帝廟號武宗五月葬康陵

石層書曰 武宗英果剛決是大有為之君使其循

規蹈矩一出於正以之繩 文皇帝之武不難也乃
流連荒亡恣意游佃萬乘之軀等於一擲其不致顛
覆社稷者亦幸矣乃七年以前受逆璫之禍九年以
後受巡幸之苦其間劇賊強藩四下竊起卒賴賢臣
次第撲滅非 祖宗積德之厚其能莫安若此也哉